

გადაწყვეტილება

N გ-22-21/509
01/12/2022

509-გ-22-1-4-202212011223



საქართველოს კომუნიკაციების ეროვნული კომისიის და ააიპ „მედიააკადემიის“ 2023 წლის ბიუჯეტის განხილვისა და დამტკიცების შესახებ

I. საქმის აღწერა

საქართველოს კომუნიკაციების ეროვნული კომისიის (შემდგომში „კომისია“) 2022 წლის 1 დეკემბრის სხდომაზე კომისიის ადმინისტრაციის საფინანსო-საბიუჯეტო ჯგუფის უფროსმა ნათია დევდარიანმა, კომისიის ფუნქციებისა და უფლებამოსილებების შეუფერხებელი შესრულების უზრუნველსაყოფად, წარმოადგინა საქართველოს კომუნიკაციების ეროვნული კომისიის და ააიპ „მედიააკადემიის“ (შემდგომში „აკადემია“) 2023 წლის ბიუჯეტის პროექტი. ბიუჯეტის პროექტი შემუშავდა 2022 წლის ფაქტიური შემოსავლებიდან და ხარჯებიდან გამომდინარე, ასევე კომისიის აპარატის შესაბამისი სტრუქტურული ერთეულების მიერ წარმოდგენილი 2023 წლის სავარაუდო ხარჯების გათვალისწინებით.

ბიუჯეტის პროექტის თანახმად: კომისიის 2023 წლის საპროგნოზო წლიურმა შემოსავალმა შეადგინა 14,277,000 ლარი, საიდანაც რეგულირების საფასურის შემოსავალი არის 10,750,202 ლარი, რადიოსიხშირული და ნუმერაციის რესურსით სარგებლობის საფასურის შემოსავალი 2,968,027 ლარი, ხოლო სხვა შემოსავლები (საპროცენტო შემოსავლები) 558,772 ლარი. სარეზერვო ფონდიდან ასათვისებელმა თანხამ შეადგინა 3,658,000 ლარი. შესაბამისად, 2023 წლის საპროგნოზო შემოსავლებისა და ასათვისებელი სარეზერვო ფონდის თანხის ჯამი შეადგენს 17,935,000 ლარს.

2023 წლის დაგეგმილი ხარჯების მოცულობა, 2022 წლის ბიუჯეტის ათი თვის ფაქტიური და კომისიის აპარატის სტრუქტურული ერთეულების მიერ წარმოდგენილი სავარაუდო ხარჯების გათვალისწინებით, განისაზღვრა 17,935,000 ლარით, საიდანაც მედიაწიგნიერების ხარჯები შეადგენს 4,856,528 ლარს, რომელიც მოიცავს აკადემიის მიზნობრივ დაფინანსებას თანხით 3,159,500 ლარი. გარდა კომისიის მიზნობრივი დაფინანსებისა, 2023 წელს აკადემიის მიერ იგეგმება გაეროს ბავშვთა ფონდისგან (UNICEF),

პროექტის „მედიაწიგნიერების ფორმალურ განათლებაში ინტეგრირების ხელშეწყობის“ ფარგლებში გრანტის სახით (სხვა შემოსავლები) 11,500 ლარის ათვისება.

II. სამართლებრივი საფუძველი და დასაბუთება

1. „ეროვნული მარეგულირებელი ორგანოების შესახებ“ საქართველოს კანონის მე-8 მუხლის პირველი პუნქტის თანახმად, ეროვნული მარეგულირებელი ორგანო ყოველწლიურად, შესაბამისი კანონით დადგენილ ვადაში შეიმუშავებს საკუთარ ბიუჯეტს. ამავე მუხლის მე-2 პუნქტის შესაბამისად, ეროვნული მარეგულირებელი ორგანოს ბიუჯეტის ხარჯვითი ნაწილი უნდა შედგებოდეს შესაბამისი კანონით მინიჭებული უფლებამოსილების განხორციელებისათვის ყოველწლიურად აუცილებელი მიმდინარე და კაპიტალური ხარჯებისაგან, აგრეთვე ამ კანონის მე-17 მუხლის პირველი პუნქტით გათვალისწინებული ხარჯებისაგან.

2. „ეროვნული მარეგულირებელი ორგანოების შესახებ“ საქართველოს კანონის 145 მუხლის მე-2 წინადადების თანახმად, საზოგადოებრივი დამცველის სამსახურის ხარჯები ცალკე მუხლად აისახება შესაბამისი ეროვნული მარეგულირებელი ორგანოს ბიუჯეტში.

3. „ელექტრონული კომუნიკაციების შესახებ“ საქართველოს კანონის მე-12 მუხლის პირველი პუნქტის მიხედვით, კომისია ამზადებს და აქვეყნებს მომავალი წლის ბიუჯეტს, რომელშიც ასახულია კომისიის ყველა ხარჯი, მათ შორის, კომისიისა და მისი აპარატის სახელფასო უზრუნველყოფის ხარჯები, აგრეთვე შემოსავალი. ამავე მუხლის მე-2 პუნქტის შესაბამისად, კომისიის ბიუჯეტს ქმნის რეგულირების საფასური, ამ კანონით, „მაუწყებლობის შესახებ“ და „საჯარო სამართლის იურიდიული პირის შესახებ“ საქართველოს კანონებით გათვალისწინებული დაფინანსების სხვა წყაროები.

4. „მაუწყებლობის შესახებ“ საქართველოს კანონის მე-12 მუხლის პირველი პუნქტის თანახმად, კომისია ვალდებულია მოამზადოს მომავალი წლის ბიუჯეტი, რომელშიც ასახული უნდა იყოს კომისიის ყველა ხარჯი და შემოსავალი. კომისია ვალდებულია გამოაქვეყნოს თავისი ბიუჯეტი. ამავე მუხლის მე-2 პუნქტის შესაბამისად, კომისიის ბიუჯეტს ქმნის რეგულირების საფასური, ამ კანონით, „ელექტრონული კომუნიკაციების შესახებ“ და „საჯარო სამართლის იურიდიული პირის შესახებ“ საქართველოს კანონებით გათვალისწინებული დაფინანსების სხვა წყაროები.

5. „მაუწყებლობის შესახებ“ საქართველოს კანონის 141 მუხლის პირველი პუნქტის მიხედვით, კომისია თავისი უფლებამოსილების ფარგლებში შეიმუშავებს და ამტკიცებს მედიაწიგნიერების განვითარების ხელშეწყობის სამოქმედო გეგმას მაუწყებლობისა და ელექტრონული კომუნიკაციების სფეროებში მოქმედი საქართველოს კანონმდებლობის და ელექტრონული კომუნიკაციების სფეროში სახელმწიფო პოლიტიკის ძირითადი მიმართულებების შესაბამისად. ამავე მუხლის მე-6 პუნქტის შესაბამისად, ამ მუხლის პირველი პუნქტით გათვალისწინებული მიზნების მისაღწევად და ამოცანების შესასრულებლად კომისია უფლებამოსილია კომისიის ბიუჯეტიდან გამოყოს შესაბამისი თანხები, მოიპოვოს გრანტები და დაფინანსების სხვა წყაროები, აგრეთვე კომისიის ბიუჯეტიდან დააფინანსოს მედიაწიგნიერების ხელშეწყობის პროგრამები/პროექტები.

6. როგორც აღინიშნა, 2022 წლის 1 დეკემბრის სხდომაზე კომისიის ადმინისტრაციის საფინანსო-საბიუჯეტო ჯგუფის უფროსმა ნათია დევდარიანმა, კომისიის ფუნქციებისა და

უფლებამოსილებების შეუფერხებელი შესრულების უზრუნველსაყოფად, წარმოადგინა კომისიის და ააიპ „მედიაკადემიის“ 2023 წლის ბიუჯეტის პროექტი. ბიუჯეტის პროექტი შემუშავდა 2022 წლის ფაქტიური შემოსავლებიდან და ხარჯებიდან გამომდინარე, ასევე კომისიის აპარატის შესაბამისი სტრუქტურული ერთეულების მიერ წარმოდგენილი 2023 წლის სავარაუდო ხარჯების გათვალისწინებით. კომისია მიიჩნევს, რომ კანონმდებლობის საფუძველზე, წარმოდგენილი პროექტის შესაბამისად უნდა დამტკიცდეს კომისიისა და აკადემიის 2023 წლის ბიუჯეტები.

III. სარეზოლუციო

შესახებ“ საქართველოს კანონის მე-12 მუხლის პირველი პუნქტის, „მაუწყებლის შესახებ“ საქართველოს კანონის მე-12 მუხლის პირველი პუნქტის, 141 მუხლის პირველი და მე-6 პუნქტების შესაბამისად, კომისიამ კენჭისყრის შედეგად ერთხმად გადაწყვიტა:

1. დამტკიცდეს სსიპ კომუნიკაციების ეროვნული კომისიის 2023 წლის ბიუჯეტი შემდეგი სახით:

N	დასახელება	ბიუჯეტი
1	შემოსავალი რეგულირების საფასურიდან	10,750,202 ლ
2	შემოსავალი რადიოსიხშირული და ნუმერაციის რესურსით სარგებლობიდან	2,968,027 ლ
3	სხვა შემოსავლები	558,772 ლ
4	სარეზერვო ფონდი	3,658,000 ლ
სულ შემოსავლები		17,935,000 ლ
1	კაპიტალური დანახარჯები	1,201,331 ლ
2	შრომის ანაზღაურების ხარჯები	8,701,626 ლ
3	მივლინების ხარჯები	315,492 ლ
4	მომსახურების ხარჯები	1,258,161 ლ
5	ელექტრონული მომსახურების ხარჯები	250,655 ლ
6	საზოგადოებასთან ურთიერთობის ხარჯები	222,564 ლ
7	კომუნიკაციის ხარჯები	42,344 ლ
8	კომუნალური ხარჯები	114,810 ლ
9	საკანცელარიო ხარჯები	10,243 ლ
10	დაცვის ხარჯები	182,160 ლ
11	საწვავის ხარჯი	80,149 ლ
12	საწევრო ხარჯები	20,237 ლ
13	რემონტისა და შენახვის ხარჯები	243,839 ლ
14	სხვა ხარჯები	20,888 ლ
15	წარმომადგენლობითი ხარჯები	145,385 ლ
16	გაუთვალისწინებელი ხარჯები	25,072 ლ
17	საზოგადოებრივი დამცველი	243,518 ლ
18	მედიაციონირება	4,856,528 ლ
18.1	მედიაციონირების ხარჯები	1,697,028 ლ
18.2	ა(ა)იპ მედიაკადემია	3,159,500 ლ
სულ ხარჯები		17,935,000 ლ

2. დამტკიცდეს ააიპ მედიააკადემიის 2023 წლის ბიუჯეტი შემდეგი სახით:

N	დასახელება	ბიუჯეტი
1	კომისიის მიზნობრივი დაფინანსება	3,159,500 ლ
2	სხვა შემოსავლები	11,500 ლ
სულ შემოსავლები		3,171,000 ლ
1	კაპიტალური დანახარჯები	66,927 ლ
2	შრომის ანაზღაურების ხარჯები	1,460,561 ლ
3	ადმინისტრაციული და საოპერაციო ხარჯები	1,643,513 ლ
სულ ხარჯები		3,171,000 ლ


- გადაწყვეტილება ძალაში შევიდეს კომისიის სხდომაზე გამოცხადებისთანავე.
- დაევალოს კომისიის ადმინისტრაციას (ო. ვოტ) გადაწყვეტილების კომისიის ვებგვერდზე (www.comcom.ge) გამოქვეყნება.
- გადაწყვეტილება შეიძლება გასაჩივრდეს ქ. თბილისის საქალაქო სასამართლოს ადმინისტრაციულ საქმეთა კოლეგიაში (ქ. თბილისი, დავით აღმაშენებლის ხეივანი, №64) კომისიის ვებგვერდზე გამოქვეყნებიდან ერთი თვის ვადაში;
- გადაწყვეტილების შესრულებაზე კონტროლი დაევალოს კომისიის ადმინისტრაციის უფროსს (ო. ვოტ).

კახი ბექაური



თავმჯდომარე

ვახტანგ აბაშიძე




წევრი

ეკატერინე იმედაძე

წევრი

ნათია კუკულაძე



წევრი

ივანე მახარაძე

წევრი